

Ministro Plenipotenciario Roland Lacle su tarea na Hulanda



PLENIPOTENCIARIO

ORANJESTAD (AAN)- Ayera tardi Ministro Plenipotenciario pa Aruba na Den Haag-Hulanda, sr. Roland Lacle a biaha pa bay ocupa su funcion menciona na Hulanda. El a ser acompaña pa su yiu homber Ludwig Lacle. Promer cu sr. Lacle a sali di viahe el a duna un relato basta amplio kico ta su plannan.

PRIORIDADNAN

Ministro Lacle a bisa cu un di e prioridadnan cu lo bay hunga un rol importante y cu mester debito atencion ta e Structura Estatal. Manera ta conoci e fecha di 1996 ta ancla den Statuut y durante e ultimo 3 añanan di gobernacion nada a ser haci pa prepara e pueblo pa cu independencia.

E periodo di 10 aña cu a ser acorda a cuminsa bira mas cortico, loke ta nifica cu lo mester bay hiba combersacionnan hopi intensivo.

REORGANIZACION

Ministro Plenipotenciario a sigui splica cu reorganizacion di "Aruba Huis" tambe lo ta un

di e prioridadnan, pa motibo cu e ultimo aki den nan concepto no ta funcionando manera nan ta desea y lo mester bin cambianan. Entre nan "upgrade" e personal y dedica atencion cu e contacto cu Arubanonan.

E mandatario a ilustra cu na 1981 Bestuurscollege di Aruba a tuma e decision pa funda e Cas di Aruba, asina yama "Aruba Huis". Intencion tabata pa un cas na unda Arubianonan por sinti cu nan tin un caminda di bay ora di un of otro problema, ademas cu nan no ta ser lubida y tambe pa prepara nan cu nan regreso pa nan pais.

ESTUDIANTENAN

Un otro aspecto cu lo regarda atencion, segun Ministro Plenipotenciario Lacle ta e asunto di estudiantenan. Den e ultimo dianan el a ser aserca pa varios mayornan, kendenan a informa su persona cu hopi di e hobennan cu a bay studia na Hulanda ta sinti nan mes desampara.

E sistema di administracion den "Aruba Huis" ta un

desastre total. E posicion segun Ministro Plenipotenciario Lacle cu e lo bay ocupa na "Aruba Huis" lo ta uno di intermedia, pasobra e no por tuma ningun decision.

Ministro Plenipotenciario Lacle a splica cu Ministro Presidente lo dune e instrucionnan necesario kico ta bay haci. Ademas e mester transmiti e mensahenan pa tanto e gobierno Hulandes como politiconan Hulandes y tambe tende di nan banda kico nan pensamentonan ta y pasa esakinan pa gobierno di Aruba. Den e caso aki pues pa Ministro Presidente.

BISHITA JANDE KONING

Ta asina, Ministro Plenipotenciario Lacle a sigui bisa, cu despues di eleccion ultimo Ministro Hulandes pa Asuntonan Antiano y Arubano, sr. Jan de Koning tabata na Aruba y a hiba combersacionnan cu sr. Nelson O. Oduber. E tempo ey posible informador of Formador di Gobierno.

For di e combersacionnan ey a keda palabra cu despues di formacion di gobierno, Ministro Jan de Koning lo regresa pa finaliza e combersacionnan cu tabata tin cu e gobierno anterior y tambe cuminsa prepara e caminda cu ta bay cuminsa cu e deliberacionnan ariba Structura Estatal.

Ministro Plenipotenciario a ilustra tambe cu den consulta cu e comision cu tur gremionan cu lo ser forma proximalmente,

cu esaki lo por conduci na un mihor preparacion pa independencia di Aruba, principalmente mirando e referendum y conferencia di evaluacion pa aña 1994.

CAMBIODIPASAPORTE

Pa loke ta trata e asunto di cambio di pasaporte Hulandes pa pasaporte Europeo, si esaki eventualmente lo tin su consecucionan pa Aruba, e Minister Plenipotenciario a splica cu e no ta vislumbra problema di esaki, pasobra no ta bay cambia pasaporte ainda.

Si e ta di opinion cu interesante lo ta pa mira kico e beneficiaran lo ta ora cu na 1992 den e Mercado Comun Europeo elimina e fronteranan cu tin entre e diferente paisnan.

Aki e mandatario a expresa di ta contento cu un persona cu lo ser encarga cu asuntonan di Mercado Comun Europeo tambe ta bay, kende ta sr. Celaire.

DESAROYO DI MERCADO COMUNEUROPEO

El a ilustra cu e gobierno anterior tambe a dedica atencion ariba e esaroyo di Mercado Comun Europeo. A nombra un empla do publico pa haci e tarea, pero nunca a dune ningun clase di instruccion sin siquiera oficialmente atravez di un besluit cu e por a representa su pais den Mercado Comun Europeo.

PROBLEMATICA DI STUDELINGEN

Ministro Plenipotenciario a duna un splicacion encuanto e problematica di interpretacion di e ley di un "studielening". E mandatario a splica cu no tin un ley, pues cu ta e ley Hulandes ta esun cu ta ser uza, y hasta eyden tin interpretacionnan robez ta tuma lugar, cual ta dificulta e muchanan pa nan por obtene e placa necesario cu nan tin mester pa nan estudio.

FUNCIONAMIENTO ARUBAHUIS

Tin un rapport cu a ser traha caba di e Vereniging Nederlands Gemeente (V.N.G.), den cual ta ilustra fayonan den e sistema di funcionamiento di Aruba Huis. Segun e mandatario e finanzas ta totalmente atraza, pues tin un tarea hopi pisa pa bay cuminsa drecha e Cas di Aruba na Hulanda pa esaki funciona

manera mester ta.

E structura cu a ser traha tabata uno cu a fit un persona den e gabinete anterior y e Minister Plenipotenciario anterior no mester a carga ningun sorto di responsabilidad ariba maneho. Ariba su antocho e por a hiba un maneho di tene fiesta, cocktail parties etc. pero e maneho politico e no a hiba.

El a laga e ultimo aki den man di un otro empleado publico, cual den concepto di e mandatario Lacle no ta cuadra pa un Ministro Plenipotenciario na Hulanda.

PROMOCION TURISTICO


Ariba e asunto di promocion turistico na Hulanda e mandatario a splica cu anteriormente tabata asina cu esaki tabata un di e tareanan di Aruba Huis. Desde cu a nombra un tal sr. Dol, Eindhoven-Europeo, kende tabata traha na e Ministerio pa Asuntonan Economico na Aruba, a saca turismo for di Aruba Huis y e persona aki a keda encarga como director di e Oficina di Turismo na Hulanda y Europa.

Tur e contacto cu Aruba Huis a bay perdi. Ministro di Turismo a expresa na Ministro Plenipotenciario cu lo e haci un evaluacion di kico lo ta mihor pa promocion di turismo na Aruba.

Ademas a duna un splicacion cu sr. Miro Dabian lo keda encarga cu maneho di Aruba Huis. Manera ta conoci sr. Dabian a gana 4 caso dilanti di Juez contra e gobierno anterior, sin embargo a mantene ariba schorsing y e gobierno actual a dicidi di anula e schorsing y permiti sr. Dabian por lo pronto keda encarga cu e maneho di Aruba Huis.

ELIMINACION DI FRONTERANAN

Ministro Plenipotenciario a ilustra tambe cu rante e bishita di un delegacion di parlamentarianan di Mercado Comun Europeo ultimamente na Aruba a sali na cla cu e eliminacion di fronteranan entre e paisnan lo trece cune cu companianan di aviacion Europeo lo bay haci uzo di Aruba. Ademas lo mester acenta e posibilidad pa Aruba sirbi como trampolin pa e producto Latino Americano pa Europa.



LANDSLOTTERIJ

ta corda tur hende cu e próximo sorteo ta ariba

DI AHUEBS 2 DI MAART 1989

CORDA BUSCA BO PIDA !!



club Scaramouche

Will start MONDAY FEBR. 20
with an OPEN HOUSE SALE!

Sofa's - Tables - Chairs - Lamps - Lightingsystem
Carpet - Bar etc.

From 9.00 a.m. till 12.00 noon
2.00 p.m. till 7.00 p.m.

Or call for an appointment.

Phone 41511 ask for Ton Keeven

CASH & CARRY